

續修四庫全書



《續修四庫全書》編纂委員會編

續修四庫全書

上海古籍出版社

三〇八・史部・別史類

弘簡錄二百五十四卷(卷二百二十五至卷二百五十四)

(明)邵經邦撰

宋史新編二百卷(卷一至卷二十八)

(明)柯維騏撰

2285/08

弘簡錄五

〔明〕邵經邦撰

據復旦大學圖書館藏清康熙二十七年邵遠平刻本影印原書版
框高二〇七毫米寬二九六毫米

弘簡錄卷二百二十五

明刑部員外郎仁和弘齋邵經邦學

皇清翰林院侍講學士四世孫遠平校閱

載記 金內族五 太宗以子孫

宗磐 宗固宗光英附說 元壽 補廣陽阿允恭子瑋璠

永中 永順 永功 永德 永成

永升 按辰 從修 守忠 守純 訥可

太宗子宗磐本名蒲魯虎天輔五年從斜也取中京以爲副使

天會十年爲國論忽魯勃極烈熙宗即位優禮宗望拜尚書令

封宋國王未幾進太師與宗翰並領三省事沒後日益跋扈嘗

與宗幹爭論熙宗但爲兩解驕恣不改輒於上前持刀向宗幹

都點檢蕭仲恭呵止之後伏誅 宗固名胡魯天眷元年與胡

弘簡錄 卷二百二十五 一 徐濟 卷五

魯補等十三人皆封爲王久之同判大宗正事皇統六年爲太

保右丞相兼中書令明年薨 宗本名阿魯皇統初拜司空九

年三月辛丑爲右丞相兼中書令九月庚戌進太保領三省事

游陵心思太宗諸子營與熙宗私議宗本等勢驕主上不宜優

寵太甚及篡立進爲太傅猜忌益深與蕭裕謀使蕭玉告宗本

親與玉言汝於我故舊可布腹心秉德臨行時言彼領行臺在

外諭悅軍民內倚太傅爲應何事不成又內侍張彥善相相太

傅有天子分其長子鎮里虎當大貴主上見之輒不喜故心常

恐懼不令入見若太傅一日得大位此心方安因與玉馬一匹

袍一領克表識物時玉出入其家親信如家人海陵因詔天下

庶可示信賜使人召與擊鞠陰命左衛將軍徒單特思并裕妹

塔近侍局副使耶律闢離刺密伺宗本及判大宗正事宗美至

卽殺之宗美名胡里甲臨死神色不變復遣使殺東京留守宗

懿北京留守下益都尹畢王宗哲平陽尹稟左宜徽使京等凡

七十餘人家屬分置別所使人要之於路并子男無少長皆殺

之而中京留守宗雅喜佞佛海陵知其無能將存之以奉太宗

後召至闕不數日竟殺之太宗後遂絕下本名可喜稟名胡里

改京宗固子名胡什資大定二年追封宗固魯王宗雅曹王宗

順隋王宗懿鄭王宗美衛王宗哲韓王宗本潞王神土門幽王

斛李東藩王幹烈鄂王胡里改胡什資可喜並贈金吾衛上將

軍惟宗磐宗倚阿魯補斛泖虎鶴懶不復加封

海陵子阿魯補祿祿時養于宗正方家賜以錢千萬移永安宮

及徒單斜也家又以燕京轉運使趙襲慶多男冒名曰趙六後

賜名光英改鷹坊爲馴鸞坊英國爲壽國應國爲杞國宋光州

弘簡錄 卷二百二十五 三 徐濟 卷五

爲蔣州光山縣爲明思縣光化軍爲通化軍以避其諱天德四

年立爲皇太子因安置太祖書像于武德殿盡召國初破寧江

州有功者得百七十六人並加宣武將軍賜以酒加帛有忽里

罕者年百歲有子十人解其衣以進願太子壽考多男與小臣

等海陵使光英受其衣卽笞賜以所服并佩刀太醫院保全郎

李中保和大夫薛遵義俱以醫藥入侍趙換宣武將軍太子左

右衛副率貞元元年詔京朝官五品以下率引自通天門入居

于東宮正隆元年三月二十七日慶誕宴百官于神龍殿賜京

師大酺一日恐其素懦令習騎射四年八月射鴉獲之海陵大

喜命葛原獻賜馬一匹黃金三斤班賜從者有差六年行幸南

京次安肅州射獲二兔居數日復獲二疊俱萬于山陵從官皆

稱賀賜名馬弓矢六月至南京與共載入汴羣臣迎謁嘗言俟

太子年十八付以天下朕當日遊宴於宮掖苑囿中以自娛樂又見其天資警悟宜擇碩德宿學之士以輔導之使知古今防過失一日因誦孝經忽語人曰經言三千之罪莫大於不孝主何而言其人對曰今民家子博奕飲酒不養父母皆不孝也光英默然良久曰此豈足為不孝耶其意蓋指海陵弑母之事及伐宋留之君守臨別挽衣號慟左右皆泣以飽滿訛里也為太子少師兼河南路統軍使以衛護之遇弑之日督府移文殺之時年十二世宗聞之不忍言使光英若在朕必保全之葬於大房山諸王墓次訛里也咸平路宿吐忽河人襲其父忽土猛安除邳州刺史三遷昌武軍節度使歸德尹南京留守大定二年為元帥右都監宋人陷陳蔡師久無功解其職俄起為京兆尹門多私謁百姓惡之三年卒

私簡錄

卷一百二十五

三

金內漢五

元壽母大氏元妃之妹名蒲速婉乃判大宗正阿里虎妻因入見逼迫淫之天德元年元壽生封崇王三年薨劄思阿補母唐括氏名石哥定哥之妹乃宗望子文之妻海陵私之語文庶母按都瓜必出而婦不然我將別有所行按都瓜以語文初意難之勸以不從必殺汝豈以一妻而自禍其身耶文不得已相與抱持慟哭而訣時已遷都至中京納之因召文至便殿使保於其前穢談戲笑大以為樂定哥死遣令出官不數日復召入封為修容進昭儀正隆元年四月阿補生小底東勝家賜錢千萬令保養之仍為起第五月己酉彌月封母為榮妃賜京師貧者五千人錢二百二年生日海陵與永壽太后及皇后太子幸東勝家亦三歲薨追封宿王葬大房山殺太醫副使謝友正醫者安宗義及其乳母杖東勝一百除名廣陽母南氏本大吳

家婢隨元妃入宮海陵幸之即有娠命為殿直正隆二年九月生十月滿月分施在京貧民用錢千貫三年二月封南氏為才人七月封廣陽為滕王九月薨

世宗嫡子允恭本諱胡士瓦母烏林答氏以皇統六年丙寅歲生體貌雄偉孝友謹厚即位初封楚王置官屬從至中都大定二年四月己卯賜名允迪立為皇太子面諭在禮貴嫡所以立汝宜友于兄弟接百官以禮勿以儲位自生驕慢日勉學問非有召命不須侍食上表稱謝自是專心問學與諸儒臣講議於承華殿燕閒觀書乙夜忘倦輒以疑字付儒臣校證九月庚子詔東宮三師對皇太子稱名少師以下稱臣十一月庚子生辰百官賀于承華殿賜襲衣良馬賜宴于仁政殿皇族皆與自後或幸東宮或宴內殿歲以為常十二月辛卯太子奏東宮賀禮

私簡錄

卷一百二十五

四

金內漢五

親王及一品皇族皆北面拜伏臣但各掛有所未安伏望天慈聽臣各拜庶惇親睦之道詔從之立為定制上聞博州防禦同知致仕鄭松者儒且賢起為左諭德特免朝參專輔太子讀書松以友論自處帝嘗顧松使取服帶對曰臣忝諭德不敢奉詔帝改容稱善自是益加禮遇每出獵獲鹿輒分賜之四年九月納妃徒單氏行親迎禮故事皇太子鹵簿乘金路禮官不知請就乘大駕綬路上疑其非禮制禮部郎中李邦直員外郎李山一階太常少卿武之才丞張子羽博士張榘兩階項之議受冊謁謝太廟服常朝服乘馬上謂與外官上後謁諸神廟無異海陵一時率意行之何足為法今大冊與三歲祫享當用古禮為是不當輕易如此時右丞蘇保衡雖漢人不通經史參政石琚通經史而不言仍令禮官具前代典禮以聞朕將擇而處之會

將授太子冊寶有司具儀注備儀仗告太廟上又言朕受尊號
嘗用故宋真宗故事謁謝常朝服乘馬皇太子乃用備禮前後
不稱語幸臣良弼守道此卿等因循不用心所致皆頓首謝是
年十月給享于太廟行亞獻禮七年有疾詔守道侍湯藥徙居
護林苑臨芳殿調治八年正月改賜今名庚戌受皇太子冊寶
儀上表謝九年五月命避暑于草澤隋王惟功從行皆給道路
驛以遠去闕廷獨就涼地非臣子所安上曰汝體羸弱山後
高涼故命汝往丁丑百官奉辭于都城之北再拜答之上詔百
官兩具箋問起居八月乙酉還京百官迎謁如前丙戌入見上
日吾兒相別經夏極甚思憶九月詔皇太子供膳歲給五千萬
勿月支十年八月在承華殿經筵太子太保壽王與啓口殿下
頗未熟本朝語何不屏去左右漢官皆用女直人答曰凡諸侍
弘簡錄 卷二百二十五 五 金內帳五

從皆上所置曷敢輒去揖與退曰官官四員謂之諭德贊善義
可見矣而反欲去之無學故也有使者自山東還問以民間何
所苦對曰錢難太子曰貯之空室雖多奚爲仍語戶部尚書張
仲愈天子富藏天下何必獨在府庫因奏錢在府庫何異銅鐵
在野乞流轉使用公私俱利世宗嘉納詔有司議行之明年有
事於園丘行亞獻禮十二年上聞德州防禦使胡刺謀叛因曰
朕於親親之道未嘗不篤何輒敢如此徐奏叔胡刺性荒縱耽
娛樂而無子嗣如此狂謀望更閱實之十月已未給享太廟命
攝行祀事十三年詔太子詹事劉仲誨東宮官屬尤當選用正
人如行檢不修及不稱職者具以名聞十月與趙王惟中曹王
惟功獵于保與定州十一月甲午還京十四年四月太子及諸
王侍上於垂拱殿論及兄弟妻子之際對曰思齊之詩口刑于

寡妻至于兄弟以御于家邦臣等愚昧願相勵而修之退而引
常棣華萼相承各令急難之義爲文見意以誠兄弟焉十五年
詔五品職事官謝見皇太子十七年五月甲辰侍宴于常武殿
典食令涅合進粥將舉食有蜘蛛在盤中涅合恐懼失措從容
語曰蜘蛛吐絲乘空忽墮此中爾豈汝罪哉十月已卯給享太
廟十九年四月戊申有事于太廟皆命攝行祀事丁巳詹事烏
林答魯入謝太子命取幘頭展帶官屬請曰此見宰相師傅之
禮語以愚事父皇久以此加敬爾皆贊曰非臣等所及十一月
改葬明德皇后于坤厚陵太子徒行輓靈車遇大風雪左右進
雨具却之比至墳所衣盡濡觀者無不下淚二十三年上表
奏諭熙宗世嫡統緒海陵無道弑之自立削其煬王仲齒庶人
之列而反追崇其親逆祀于廟雖以宗幹前祖不預惡逆而明
弘簡錄 卷二百二十五 六 金內帳五

肅帝號禮當削奪明詔中外俾知大義上嘉納之二十四年將
幸上京詔太子若守作守國之寶以授事于郊廟并除授五品
以上官及利害重者遣使馳奏其六品以下官與常事並聽裁
決每三日尚書省於集賢殿啓事京朝官遇朔望具朝服問候
車駕在路每二十日一遣使問起居以達上京稍稍十日臨行
諭以上京祖宗與王之地欲與諸王一到或留一二年以汝守
國營之農家種田商人營利但能不墜父業卽爲克家之子況
社稷任重尤宜畏慎常時觀汝甚謹今日能紓朕憂乃見中心
孝道也對曰臣在東宮二十餘年過失甚多陛下以明德母后
之故未嘗見責臣誠愚昧不克負荷願備扈從上曰凡人養子
皆望投老得力朕留太尉左右丞參政輔汝彼皆國家舊人可
與商議且政事無難但用心公正無納讒邪一月之後政事自

熱流涕堅辭廷臣爲之感動其左右侍中親昵者各爲得意太子知之諭曰我向在東宮不親國政日與汝輩話言步于芳苑中山入往來未嘗限阻今既守國汝等有召命然後得入五月駕至賜以敕書朕以前月八日到遼陽此月二日達上京翌日祀慶元廟省方觀民古之制也汝守國任重夏暑方熾益當自愛無貽朕憂自是凡有所啓稟輒自披閱召都事委曲折正移晷忘倦或賜之食近侍報瑤池位蓮閣當設宴却之曰聖上東巡命我守國何敢宴遊廢事採致數花足矣七月遣子金源郡王麻達葛奉表起居兼請還都十一月壬寅冬獵辛亥還二十五年正月乙酉朔免羣臣賀禮自守國以來深懷謙抑官臣不遇庭拜啓事時不侍立京朝朔望日並停免公服問候甲寅如春水二月庚申還都丁卯復遣子奉表賀萬春節四月久不雨弘簡錄 卷一百二十五 七 金內漢五

親行祈禱即日霽足六月甲寅不豫庚申薨于承華殿上還次天平山好水川計間驚悼爲位行宮之南臨奠大慟者久之親王百官皇族命婦及侍衛皆會哭還宮號泣比至中都爲位奠哭者七以幽王承成爲中都留守護喪遣左宣徽使唐括鼎致祭詔妃及諸皇孫喪服並如漢制其在儲位久恩德在人者深每日三時侍衛軍士皆爭入伏哭于承華殿下聲殷如雷中都百姓市門巷端爲位慟哭七月壬午朔賜諡宣孝太子九月庚寅殯于南園熙春殿已酉駕至未入國門先至熙春殿奠哭比葬六往臨之其事世宗凡巡幸西京涼陞及上陵祭廟謁衍慶宮田獵觀稼拜天射柳未嘗去左右國有大慶率百官上表賀正旦萬春節總班上壽十月庚戌朔宰相以下朝見于慶和殿太尉完顏守道上壽世宗追悼懷愴者久之十一月甲申薨

發引上親路祭于都城之西庚寅附葬大房山上即欲加帝號以問羣臣修撰趙可舉唐高宗追諡太子弘孝敬皇帝爲對左丞服汝鄴以爲出于武后遂止乃建廟于衍慶宮後祭用三獻樂川登歌及于璟爲皇太孫即位五月甲午追諡體道弘仁英文睿德光孝皇帝廟號顯宗丁酉附于太廟陵口裕陵生平天性仁厚不忍刑殺梁杲兒盜金銀葉憐其母老李福典盜段匹值坤厚陵禮成家令本把盜銀器值萬春節皆委曲全活之亡失物者責其償而不加罪問四方饑饉輒先奏加賑贍因田獵出巡所過問民疾苦敬禮大臣友愛兄弟嘗作重光座銘及刻左右銘于小玉碑并刻其碑陰皆深有理致最善射而不殫物嘗奉詔拜陵先射一鹿獲之即命罷獵日足奉祀事焉用多殺好生蓋其天性云 子琮本名承慶母田氏封克華爲人儀觀弘簡錄 卷一百二十五 八 金內漢五

豐偉機警清辨性寬厚好學世宗選進士有名行者納坦謀嘉教之女直小字并漢字皆通習及長輕財好施無愠色善吟咏不喜聞人過至騎射繪塑之藝皆造精妙大定十八年封道國公俱加崇進章宗即位與諸弟皆遷開府儀同三司琮加封郡王明昌元年授婆娑路獲火羅合打世襲猛安留京師五年薨上輟朝臨奠諡曰莊靖改莊惠 同母弟璵本名桓篤爲人重厚寡言內行修飾工詩精于騎射書藝女直大小字皆通同年封崇國公加封瀛王章宗愛其性忠孝兄弟中最爲善人嘗令在左右明昌三年未二旬薨帝三臨奠哭之勸教葬事所須皆從官給命工部侍郎胥持國等典喪事諡曰文敬 璵本名阿憐母田氏早卒溫妃石抹氏養爲子大定二十五年封宿國公進封沂王明昌四年爲趙王承功後六年溫妃薨上問所服禮

官張辟奏慈母服齊衰三年桐杖布冠禮也王爲近親至尊歷降與臣下不同乞於未葬以前服白布絹中既葬止用素服終制朝會純吉上從其奏承安元年任兵部尚書改封蔡王四年除秘書監泰和五年賜名從義八年改封霍王貞祐二年薨上報朝 琦本名吾里不母劉氏封及儀琦封壽王承安元年郊恩進封英王四年改封瀛王同時賜名從憲明年授秘書監爲人風儀秀峙性寬厚善騎射待府僚以禮秩滿去者皆有賸帝尤愛重八年三月初以病聞上卽臨問賜錢五百萬還官詔府僚上其疾增損狀仍敕門司夜一鼓卽奏比五更重言之及薨上哭之慟爲輟朝臨奠者再諭有判大膳親府事宛王永升言王家事叔宜規畫時二姬方孕若生子卽以付之以右宣徽使移刺都護其喪葬欽以內庫之服所須亦從官給諡曰敦懿

弘簡錄

卷二百二十五

九

金內漢五

玠本名謀良虎母王氏封婉儀自幼穎秀性溫厚好學初封溫王薨年十一諡曰悼敏

庶長子承中本名實魯刺又名萬僧母元妃張氏父玄微母高氏與世宗母貞懿皇后茂萃親生承中而卒追封宸妃又贈惠妃承中初封許王判大興尹進封越興趙王拜樞密使遇明德皇后改葬坤厚陵元妃亦同陪葬發引之日承中以元妃柩先行使執黃轎省前導俄頃皇后柩出警蹕宮少府監張僅言呼執轎者不應欲奏其事太子不較以爲敕人之誤乃止二十一年改判大宗正事心懷不悅太子復勸宗正之職自親及疎自近及遠此親賢之任且皇子之貴豈以官職開創爲計耶承中乃喜及幸上京并留輔太子居守會遣石古乃奉表起居世宗喜語豫國公主言太子孝德天成先遣其二子繼遣此兒兄弟

相友愛如此及太子薨承中於諸子最長上召赴行在加開封儀同三司明年復爲樞密使賜諸孫名石古乃曰瑜神土門曰璋阿思憲曰玘阿難合憲曰琰有司奏擬僉從上曰兒輩尚幼若奉承太過使侈心滋大卒難節抑諸兒每入侍朕當其譔笑娛樂之際必淵然莅之庶使知敬戒之意遂不許二十七年玘與琰俱年十五以上加光祿大夫奉國上將軍章宗卽位起復承中判西京留守進封漢王與諸弟各賜金五百兩銀五千兩錢二千貫重幣三百端絹二千匹再賜承中修公廨錢三百萬特加瑜銀青榮祿大夫及孝懿皇后崩吳王永成隋王永升奔喪後期各罰俸一月杖其長史五十承中適有寒疾不能至上怒頗意諸王有輕慢心遣使責承中曰已近公除亦不須來二月丙戌禪祭承中始至入臨辛卯始克行燒飯禮壬辰及諸王朝辭賜遺留物又進封并王判平陽府事至錫王上頗嫌忌諸王置王傅府尉名爲官屬實檢制之府尉希聖風旨過爲苛細自分已老動有掣制情思鬱鬱不堪乃表乞閒居不許及承中以謀逆誅增置諸王司馬一員檢察門戶遇羣獵游宴皆有制限家人出入悉爲禁防河東提刑判官把里海坐私謁承中杖解其職前近侍局副使改西京留守同知裴滿可孫亦因受屬爲瑜求官免之母舅張汝彌妻高陀幹自元妃薨畫像奉之甚謹挾左道爲承中求福希觀非望坐以詛祝誅上疑事在承中會王傅尉奏琰因防禁嚴密語涉不道詔同簽大睦親府事舊中丞孫卽康鞠問并求得璋所撰詞曲有不遜語家奴德哥首承中嘗與侍妾瑞雪言我得天下以爾爲妃詔遣官覆按狀同再遣禮書張辟兵侍烏古論慶壽覆訊上詔宰臣竊王祇因語

弘簡錄

卷二百二十五

十

金內漢五

言與永蹈罪異參政馬琪曰若以人臣無將言則一也左相清臣亦言王素有妄想之心詔宣示罪狀百官雜議皆曰請論如律惟宮籍監丞盧利用乞貸之詔乃賜死瑛與瑄皆棄市敕有司用國公禮收葬妻子威州安置泰和七年詔復王爵賜諡曰厲敕瑜等於威州擇地以禮改葬歲時祭奠貞祐二年復徙妻子鄭州三年太康縣盜劉全亡入衛真界詭托石古乃自稱愛王實無是封假以惑衆與同縣人時溫謀爲亂誘王氏女爲妻溫稱東平人李寧居嵩山有妖術可論大事使范元書僞號召之卑至推爲國師議僭立事覺諸人皆伏誅四年潼關破復徙子孫於南京興定二年譙縣人孫學究私造妖言云愛王終當當發今匿迹民間自號劉二衛真百姓王深等皆信以爲然有劉二者出而當之遣歐榮輩結構逆黨市兵杖大署旌旗謀僭

弘簡錄 卷一百二十五

金內院五

立事覺被誅死五十二人緣坐六十餘人自此禁錮子孫幾四十年天興初始弛之

永蹈初名石狗兒大定初封滕王進徐王二十五年加開府儀同三司明年爲大興尹章宗卽位判彰德軍節度使進封衛王明昌二年徙封鄭王三年改判定武軍時元妃李氏方寵于上王乃長子有郭諫者妄言大王相貌非常王妃及二子皆大貴崔溫馬大初二人私論試記熟於天象溫言丑年有兵災屬免命者來春當收兵得位大初亦言昨見赤氣犯紫微白虹貫月皆主丑後寅前兵戈僭亂永蹈深信其說陰結內侍鄭兩兒伺上起居以溫爲謀主諫大初往來游說因妹韓國公主適河南統軍使僕散揆欲取其軍以爲助與妹澤國公主長樂謀使駙馬都尉蒲剌視致書于揆且先請婚以觀其意揆拒却其婚使

者不復敢言家奴董壽知之以諫不聽同輩千家奴上變詔鞠問連引甚衆久不能決石相夾谷清臣奏曰事貴速絕以安人心乃賜永蹈及妃卞玉二子按春阿辛公主長樂皆死以財產分賜諸王財物分賜諸公主蒲剌親崔溫郭諫馬太初等皆伏誅揆以不豫聞祇坐除名董壽免死隸監籍千家奴賞錢二千貫特遷五官雜班敘使久之帝意頗悔泰和七年詔復王封備禮改葬賜諡曰刺

永功本名宋葛又名廣孫永中同母弟貞元二年生性沉默寡言笑勇健絕人涉獵書史好法書名書大定四年封鄭王七年改封肅王十一年又進曹王十五年除刑部尚書上令學其舅汝霖爲政十七年授活活土世襲猛安十八年改大興尹世宗幸金蓮川怒親軍二蒼頭縱馬食民田詔令各杖一百彈壓二

弘簡錄 卷一百二十五

金內院五

百戶失覺察勒停永功奏親軍止一蒼頭兩彈壓服勤日久請

並決蒼頭償其田直憐察彈壓令其待罪上皆從之有老嫗因失男婦告于伍長蹤跡之忽見一男子私殺牛手持血刃望見伍長意其捕已卽行走避嫗與伍長疑是殺其婦也捕送縣不勝楚撻遂誣服問尸安在詭曰棄之水中偶獲一尸已半腐信以爲是卽具獄上永功疑之曰婦死幾何而尸遽半腐哉頃之嫗果得其婦於男子所私者遂釋又發武清黃氏望雲汪氏豪猾不逞劾正其罪畿內肅然二十三年判東京留守改河間尹復爲北京留守凡七月改東京留守從世宗幸上京明年命護皇太子喪事尋拜御史大夫章宗封原王兄弟皆加開府儀同三司明年判大宗正事以與應州僧有舊爲囑事于彰國軍節度使移剌胡剌事聞解職章宗卽位嘗免朝參除判平陽府進

封冀王濟南先帝舊治風土甚好改判其府復授山東西路把
魯古世襲猛安歷判廣寧彰德府事進封魯王承安元年又進
鄆王歷判太原中山府事衛紹王即位進封譙王明年又進封
越從遷汴京詔每月朔一朝與定五年有疾賜御藥及尚醫診
視薨上哭之慟諡曰忠簡子福孫賜名璐壽孫名琦枯沒易名
琳 璫字仲實一字子瑜資質簡重博學有俊才喜爲詩工真
草書大定二十七年與璐俱爲奉國上將軍明昌初又同加銀
青榮祿大夫衛紹王進開府儀同三司貞祐中封莊國公正大
初進封密國公璐蕭國公爲興陵崇妃養子兄弟奉朝請泰和
五年璐卒輟朝百官進名奉慰璫日以講誦吟咏爲事與文士
趙秉文楊雲翼雷淵元好問李汾王飛伯章交善南還得盡載
法書名畫於汴中家口多俸入少客至不能具酒餽蔬飯共食
弘簡錄 卷二百二十五 金內族五
焚香煮茗盡出藏書談大定明昌以來故事樂而不厭終日不
聽客去天與初臥疾論及時事嘆曰兵勢如此已不能支祇可
納降以全完顏一族歸吾國中使女直不滅則善矣餘復何望
見哀宗於隆德殿相顧泣下曰近聞曹王欲出議和其年尚幼
未經諳練恐不能辦大事臣請副之或代其行慰以比承平時
無事置叔父冷地無所顧藉緩急則置子不測叔父盡忠固可
天下其謂朕何乃罷未幾以疾薨年六十一平生詩文甚多自
選詩三百樂府百號如菴小葉第五子守禧字慶之風神秀徹
特所鍾愛平日所蓄書畫盡以付之及汴城降年未三十病卒
承德本名訛山大定二十七年封薛王明年除秘書監又明年
進封潘王明昌初授山東東路把魯古必刺猛安三年進封幽
王五年遷勅農使承安二年進封路王衛紹王立累遷太子太

師宣宗即位同判大睦親府事興定五年改判府事卒子幹論
賜名琰

永成本名鶴野昭儀梁氏所生風姿奇偉自幼喜讀書博學善
屬文世宗尤愛重之大定七年始封潘王以太學博士王彥潛
爲府文學令師事之十一年進封幽王十六年判秘書監明年
判大睦親府事授世襲中都路胡土孺哥蠻猛安二十年改授
翰林學士承旨二十三年判定武軍節度使事尋改判廣寧府
世宗幸上京命留守中都判吏部尚書爲御史大夫章宗即位
起復進封吳王判真定府事明昌元年改山東西路益買必刺
猛安明年進封克王坐率軍民圍獵以爲擾民解職就封奉表
謝罪上賜手詔戒之未幾授沁南軍節度使三年改判太原府
事誕日上親爲詩以賜有美與自應輝玉璫忠誠不待啓金
弘簡錄 卷二百二十五 金內族五
之語當世榮之七年改判平陽府事承安元年單恩進封豫王
明年當進馬八十疋以資守禦賜詔獎諭稱皇叔不名五年再
任俄召還以疾不能入見上親幸其第臨視泰和四年薨上爲
震悼贈贈甚厚購其遺文諡曰忠獻爲人夙有高尚晚年所學
益醇每暇日引文士相與切磋接之以禮未嘗見有驕色自號
樂善居士有文集行于世
承升本名斜不出母才人石抹氏大定十一年封徐與虞王二
十七年判吏部尚書授山東西路按必出虎必刺猛安章宗即
位徙封隋王除定武軍節度使明昌二年改封曹王又改封宛
衛紹王徙襲王宣宗時年高羸疾詔宮中聽扶杖尋薨既殯燒
飯上親臨奠
衛紹王六子大定二十六年賜名猛安曰琚按出曰瑄按辰曰

璵泰和七年命出繼鄭王永貽後下詔朕念鄭王自棄天常以干國憲禁葬曠野忽諸不祀歷歲既久深用愴然親親之情有懷難置稽考古禮以衛王子按展爲永貽後謹奉祭祀卿其念之大安元年封六子皆爲王惟從恪昨王有考餘任王肇王弗傳是歲從恪爲左丞相二年八月立爲皇太子至寧末與后徒單氏俱削名號廢居中都貞祐二年與鄒厲王皆徙鄭州禁其出入婚嫁四年又徙南京凡禁錮二十餘年天興元年方弛其禁後惟立冊爲梁王汴京破死焉

宣宗諸子長名守忠母名氏不可考胡沙虎既廢衛王宣宗尚未至卽迎守忠入居東宮卽位立母爲后自王氏姊妹入宮后寵遂衰尋爲尼守忠爲皇太子冊禮待邊事稍息然後舉行本年十月已未以鎮國上將軍太子少保阿魯罕爲太子少師上弘簡錄 卷二百二十五 五 金內錄五

遣諭旨時方艱難朕宮中每事裁減汝亦宜知斟酌節東宮無用者宜出之汝讀書人朕特用之遷汴留守中京至七月復召至三年正月薨上數臨奠殯所有司奏辰日不哭上曰父子至親何可拘忌四月葬迎朔門外五里諡莊獻五月立其子鏗爲皇太孫二歲薨賜諡冲懷太孫

次守純本名盤都貞祐元年封濮王皇女溫國公主二年爲殿前都點檢兼侍衛親軍都指揮使權都元帥上諭帥府濮王年幼公事殊未諳卿等毋以朕子不相親戒宜令凡見將校可謙和接遇三年爲樞密使四年拜平章政事奏知管差除令史梁徽誤書運副張正倫宣命乞治罪上曰令史有犯宰臣自當治之何必關朕興定元年進封英王授世襲東平府路三屯猛安上以監察御史程震言戒諭守純始吾以汝爲相者庶幾相輔

不至爲人譏病耳汝乃惟飲酒耽樂公事慢不加省吾嘗聞人言已過雖自省無之亦未敢容易去懷今諸相皆老臣每事與之商畧使無貽物議足矣四年九月守純欲發丞相高琪罪密召知宗蒲鮮石魯刺令史蒲察胡魯貝外郎王阿里謀之囑令勿泄諸人反告都事僕散奴失不以白高琪及琪伏誅奴失不處死石魯刺胡魯各杖勒停哀宗卽位追封荆王平章政事改判睦親府封母麗氏荆國太妃有告守純謀爲不軌下獄推問皇太后言于帝獲免所生三子長曰訛可封肅國公次曰李德封華王又次戴王天興初守純府第產肉芝一株高五寸許色紅鮮可愛旣而枝葉津流濡地成血臭不可聞劑去復生者再夜則房榻間羣狐號鳴乘燭逐捕復失所在輪年崔立亂遂及諸宗室皆死青城訛可初封荆王改曹王天興元年元兵弘簡錄 卷二百二十五 五 金內錄五

北行留速不剌攻城攻具已辦議王將出質且退癸卯立攻具沿濠列木柵驅漢俘及婦女老幼負薪草填壕頃刻平者大半主兵者以議和之故不敢與戰但於城上坐視上從六七騎出端門至舟橋人間車駕忽出老幼遮擁驚愕失措成詭道傍并望拜時新雨泥濘至有誤觸御衣者上手麾勿拜恐泥汚汝衣倉皇中市肆米豆狼藉於地亦令衛士收還各家俄頃幸相從官皆至進筵不受曰軍士暴露我何用此所過輒加慰勞皆踴躍呼萬歲咸願出戰死無所恨平章傳令勿放一鐵恐壞和事上顧謂其中長者云朕爲生靈稱臣進奉無不從願止有一子尚未成長今往作質子矣汝等畧忍待曹王出大兵不退死戰未晚復有拜泣者曰事急矣聖主毋望和事乃傳旨城上放箭西水門千戶劉壽控御馬仰祝曰聖主無信賊臣賊臣盡大兵

退矣衛士欲擊之上止勿問是日曹王出詣軍前大兵併力進攻甲辰上復出撫東門將士以內府金帛自隨待賞有功太學生楊奐等前白臣等皆朝廷作養令執砲夫之役恐非國家百年以來待士之意敕記姓名卽免其役過南薰門值被創者親傳以藥手酌卮酒以賜乙巳鳳翔府砲軍萬戶王阿瑄焚燬來歸取宋太湖靈壁假山石造砲小大各有斤重圓如燈毬有不中度者杖其工人大兵用砲祇破大礮或用礮礮爲二三攢竹砲有至十三稍者餘砲稱是每城一角置砲百餘枝更遞下上晝夜不息不數日石幾與裏城平而城上樓櫓皆故宮及芳華玉簪所折合抱大木隨擊而碎護以馬糞麥秸網索旃褥其懸風板外又障以牛皮隨卽延焚不可撲救惟城乃周世宗取虎牢土所築堅硬如鐵砲所擊處惟凹而已大兵壕外築圍百五十里亦有乳口樓櫓壕深濶皆丈許初白撒命築門外短牆委曲隱匿祇容二三人過以防大兵奪門及是諸將請乘夜斫營比出已爲北兵所覺又募死士千餘穴城渡壕燒其砲宰執坐城上懸紅紙燈爲應約燈起渡壕亦爲圍者所覺又放紙爲以誘被俘者所爲皆兒戲右丞世稱又命效尤時河朔作江水曲使城上人靜夜唱之以寄諷吟之思其謬計如此後不知所終

弘簡錄

卷二百二十五

志

金內族五

弘簡錄卷二百二十五

終

弘簡錄卷二百二十六

明刑部員外郎仁和弘濟仰經邦學

皇清翰林院侍講學士四世孫遠平校閱

載記 金內族六

妻室 子孫族六

銀木可 子孫族六

習古遇 子孫族六

胡實改 子孫族六

蒲盧火 子孫族六

撒改 子孫族六

妻室宇幹里衍父白苔爲完顏部七水諸部長太祖克寧江州使妻室招諭係遼籍女直遂降移嫩益海路太尊照撒等敗遼

兵于婆刺趕山復擒兩將軍降益改捺末懶兩路進克成州諸

部相繼來降復獲遼北係籍女直值都統耶律訖里朵泉二十

餘萬戍達魯古城與銀木可縱兵衝其中堅凡九阻陣皆力戰

而復與銀木可成邊及九百奚營等部來降又同攻黃龍府

耶以完顏渾熱婆盧火石古乃兵四千敗遼兵萬餘于白馬濼

宗雄等下金山縣又使分兵二千招沿山逃散之人與幹魯古

破耶律捏里軍于茨黎山取顯州請於太祖謂黃龍府一大都

會且僻遠苟有變易與隣郡相扇而起太祖然之命以所部合

諸路謀克爲萬戶屯守其地再進都統從呆取中京與子活女

從宗翰襲奚王霞末活女兵三百敗敵二千降奚部西節度訖

里刺追遼主至白水濼獲其內庫寶物與闊母攻破西京夏人

救遼兵次天德候兵突燃補擲二百騎敗沒阿土罕復以二百

騎往遇伏獨自脫歸時久雨諸將欲且休息齊謂吾兵再破若

不復往彼將以我爲怯亟遣千騎與弟拔離連及習失往幹魯

壯其言從之妻室遲明山陵野嶺留收離連兵二百據險守之

獲生口聞其帥李良輔將至登高望之夏人方濟水爲陣恃衆不整使人速報韓魯婁室乃分軍爲二更迭出入轉戰三十里過宜水與韓魯合擊敗之又與照里馬和尚生獲遼都統大石於奉聖州龍門東二十五里悉降其衆守臣關里刺寨州城遼去又與宗望追遼帝敗其三千軍于三山有千人將趨奉聖州復與蒲察擒其主帥而還夏人屯可敦館宗翰遣往戍朔州築城於霸德山西南二十里遂破朔州西山兵二萬擒其帥趙公直以獲遼帝于余都谷賜鐵券銀木可圖太原宋統制劉臻率衆十萬來救出壽陽破之繼敗榆次兵數千宋張淵軍出汾州拔離速幹走之額復營文水再與突葛速拔離連大敗之取汾石二州及其屬縣溫泉方山離石蒲察降壽陽取平定軍及樂平復招降遼州及榆社遼山和順諸縣遂自平陽先趨河南破宋步兵於孔子廟南遂降河陽取假師末安軍降鞏縣刺答敗宋兵於汜水降榮陽榮澤鄭州中牟又遣率師趨陝攻河東未下郡縣阿離土罕敗敵于河上撤按敗敵于陝城下擒沙虎降號州守陴卒三百人遂克陝府習古乃桑袞破陝之散卒于平陸西北婁室破蒲解軍二萬盡覆之安邑解州皆降遂克河中府降絳慈隰石等州又使取陝西敗宋將范致虛軍下同華二州克京兆府獲宋制使傅亮遂克鳳翔康王命蒲察專事陝西以婁虛火繩果監戰遇敵於蒲城及同州臨真皆破之進克丹州延安府遂降綏德軍及靜邊懷遠等城寨十六復破青澗城宋安撫使折可求以麟府豐三州及晉寧所部九寨皆降惟晉寧軍久不下規其城中無非以取河水爲飲東決其渠泄之城中始困殺守將徐徽言遂降定安堡渭平寨及郝坊二州

詔以婁室婆盧火守延安折可求屯綏德蒲察還守蒲州延安鄜坊皆殘破人民存者無幾爲置官府輯安之別將幹論降與阿盧補謀里也至三原建昌軍復叛討平之進兵降乾州克邠州軍于京兆所降城邑多叛上以爲倦于兵命宗輔代之與張浚戰于富平會宗弼左翼軍已却婁室力疾以右翼戰遂破巨敵宗輔稱其力徇王事雖古名將何以加之輟所川犀玉金銀器及甲冑并馬七匹與之天會八年十二月丁丑薨贈太子太師奉寧軍節度使兼侍中皇統元年加贈開府儀同三司追封莘王正隆例改金源郡王配享太宗廟庭諡莊義活女年十七從攻寧江州力戰創甚扶出陣間太祖憑高望見知之撫慰賜藥歎以他日必爲名將攻濟州敗敵八千復戰信州移刺本陷敵陣力戰出之敵遂北又敗耶律佛頂等兵于濟州從攻乙室部破其二營迭刺部族叛率三謀克突入大破之從圍太原宋將神師中援兵十萬出井陘敗之于殺熊嶺斬師中于陣大軍至河無船不得渡父遣率兵三百循水上下自孟津而南度其可渡引以先濟大軍皆隨之宋將郭京出兵數萬趨父營活女從旁奮擊衆亂遂破之師還復破敵於平陸渡得其船以濟又捷於張店原時屯留太平翼城皆有重敵並破之又分兵取陝西蒲州降即留鎮之攻鳳翔先登宗輔定陝西以爲都統進攻涇州敗王開山以兵拒歸路邀戰再擊敗之遂降京兆鳳翔諸縣襲父合北猛安代爲黃龍府路萬戶天眷三年爲元帥右都監遷左監軍府罷改安化軍節度使歷京兆尹封廣下郡王正隆例改封代國公進隋國公卒年六十一諡貞濟次子謀行勇力過人善用長矛突戰天眷間克牌印祇候授顯武將

軍擢符寶郎皇統四年其兄讓以親管與吉猛安俄權濟州路萬戶八年爲元帥右都監天德三年授順天軍節度使歷河間臨黃尹數月改婆速路兵馬都總管往討撒八遇世宗于常安縣盡以甲士付之因率諸將吏民勸進卽位拜右副元帥命伐白彥敬志寧於北京遇其衆于建州之境皆不肯戰二人遂降會討窩幹屯兵懿州慶雲縣及川州武平縣奏請糧運并護送兵仗詔以南征逃還軍士就往如不足量於富家發調率諸軍將合濟州時賊新敗于泰州獲其謀者知敵將由別路遂糧運遂分軍往迎之以貪鹵掠不復追敵得縱去上聞之下詔切責朕委卿等討賊乃聞不就賊趨戰而駐兵閑緩經涉累月雖會追襲不由有水草之地以致馬足疲弱不能百里而還後雖破賊又縱諸軍劫掠數日後方追北霧雲河輒復引還朕欲重譴

金史卷一百一十六

金史卷一百一十六

以方任兵事且圖後功常盡心一力毋得似前急弛其子斜哥暴橫軍中勒歸本貫謀衍至京師以同判太宗正事未幾連頻路軍士木里古告斜哥寄書與謀衍謀反世宗察其誣詔勒告者誅木里古仍召謀衍面諭宣悉朕意上初慮窩幹方熾使溫迪罕阿魯帶因妻生日輒離軍中賊衆聞之來襲殺傷士衆遂坐除名詔謀衍蒲察烏里雅蒲察通引兵三千擊之擒賊黨猛安合住未幾窩幹平乃還大定七年上因其故老欲均勞逸出爲北京留守御便殿賜食及御服衣帶佩刀尋改守東京封榮國公十一年薨年六十四爲人性忠厚善擊毬射獵時論以爲雖智不及其父而勇敢肖之 又次石古乃名仲體貌魁偉通女直契丹漢字幹魯魯受其才欲使通吏事每視事常令在左右遇事輒問之應對如響嘆以必爲令器皇統初克護衛授世

襲謀克天德元年攝其兄濟州萬戶部內稱治除賓州刺史母憂起復知積石軍事轉河南尹同知正隆伐宋爲神勇軍副都總管還除大興尹同知將兵二千以脩契丹還西南路招討使兼天德軍節度使政尚忠信火獄公平蕃部不敢寇邊名爲左副都點檢宿衛嚴謹小心畏慎每事有規矩後來者守其法莫能易世宗常語侍臣遇仲入直朕寢益安五年宋人請和爲報問使請與宋主相見禮儀論以親起立接齊則授之及至遂一如禮上嘉之轉都點檢兼侍衛親軍都指揮使還河南路統軍使諭以江淮重地益宜勉之賜廢馬金帶玉吐鶻復有罪解職久之起爲西北路招討使改北京留守卒 族子海里體貌豐偉善川稍從妻室爲黃龍府萬戶徙於執吉訛毋復從追及遼主於朔州阿敦山妻室遣與术得往見遼主諭之使降時已窮蹙待於阿敦山東妻室因獲之賞金銀幣帛錦絹宗輔經畧陝西戰却吳玠軍於涇州之南等遣修棧道宋人以兵來拒破之又賞銀百五十兩奴婢十人天眷元年擢宿直將軍與定宗營宗尙之亂遷廣威將軍除都水使者改西北路招討都監歷復澤二州刺史耶盧梳群牧使迭刺部族節度使同知大典尹兼中都路兵馬都總管改武寧軍節度使終廣寧尹年六十二銀术可常太宗嗣位以取阿疎事久不決使與習古迺繼往還言遼主荒于政事上下解體有可取之狀太祖信二人言自此決意伐遼從戰達魯古城破遼兵二十餘萬語成見妻室傳收國二年分鴨綠河傾所遷二千戶以爲謀克屯寧江州遼大冊使習泥烈遣回約以七月半至盡九月未來上使諸軍過江獲遼遼吏乙薛所使曳刺麻答十三人兵士八人縱火於渾河以

金史卷一百一十六

金史卷一百一十六

絕芻收太祖命釋之俄從都統臬克中京與習古迺蒲察胡巴魯率兵三千擊奚王霞末于京西七十里霞末棄兵逃遼主西奔天德銀术可以兵絕其後遂見獲後從宗翰代宋圍太原未下命留兵守其圍宋樊夔施誨高豐等軍來救太原分據近都銀术可與習失孟魯完速大破之索里乙室破宋兵近縣已降援兵復入據太谷和縣阿鵠懶投離速仍拔取之預攻种師中使幹論破其軍撒里士又敗宋軍於回馬口太原已定復攻克汴城師還降計嵐寧化等軍拔嵐州招降火山軍賜錢券又取鄧州殺其將李操等擒轉運使劉吉鄧州通判王彬宗翰會伐康王使獨守太原天會十年為燕京留守十三年致仕加保大軍節度使同中書門下平章事遷中書令封蜀王天眷三年四月癸丑薨年六十八正隆創改金源郡王配饗太宗廟庭大定

張簡錄

卷一百一十六

金史卷六

因河東郡縣多叛命以先鋒攻克絳州復攻沁州飛砲擊其右脅昇歸營中諸軍攻沁三日不能下骨城強起指麾士卒遂克之遷攝河東路都統從左監軍移刺余睹招西北諸部將騎三千五百平其九部獲生口三千馬牛半十五萬又以先鋒破宋吳山軍再戰再勝劍之于隘死者不可勝計宋兵遷去宗弼再取和尚原仍以本部破宋五萬人奪新义口留兵守之是夜大雪道路皆冰宋兵勢重不可徑取宋弼用其策自傍近高山叢薄間入出其不意遂取和尚原諸速入大散關宗弼止之殺英先攻仙人關不止宗弼以刀背擊其兇器使之退謂敵氣已沮不乘此而取後必悔之已而果然宗弼嘆曰既往不咎乃班師復為後殿以備伏兵且戰且却遂達秦中齊國初廢命撤離喝撫治諸郡至同州故齊觀察使李世輔出迎陽稱隆馬折臂昇

張簡錄

卷一百一十六

金史卷六